



(25093)

長治縣志卷之八

知縣事沐陽吳九齡景文



風俗

化行於上為風魯論曰君子之德風化成於下為俗
漢文紀云望風成俗是也風有美惡俗則隨之此
之在於上者也至高下燥濕水土不齊氣候亦因
各別生其間者如飛潛動植之類猶其微焉第所謂
秀而最靈者雖同在

帝治光華之下而或剛或柔或清或濁勢不能不限於方

長治縣志

卷之八 風俗

山西書局

長江集卷之八
與則風俗之器淳卽於是乎殊長治舊屬唐虞畿內
民勤而儉質而朴風斯古矣厥後數千百年間其隨
公室以爲轉移者一變於晉公族之夸詐再變於五
代時劉稹之勁悍復變於明宗戚之奢靡漢書云號
稱難治固已然瑕瑜莫掩涇渭弗清苑箴節屋中負
耒橫經思深而慮遠者正復不少是猶不失陶唐氏
之遺風焉惟是經明季閭賊之流毒生民塗炭大半
鴻零仰賴我

國家深仁厚澤子惠元元迄今百餘年元氣始得漸復
厚而富富而教亦旣咸戴生成矣嗣是以往因時
劑俾人情土俗各適其宜是又端望於官斯土者志

風俗

禹貢冀州旣載壺口治梁及岐旣修太原至於岳陽
覃懷底績至於衡漳厥土惟白壤厥賦上錯厥田中
中

周禮河內曰冀州其山曰霍藪曰揚紆川曰漳寔曰
汾潞其利松栢民五男三女畜宜牛羊穀宜黍稷
史記世家吳季札問唐國之歌曰思深哉其有陶唐

身... 卷之六
之遺風乎不然何其思之遠也非令德之後誰能若是

漢書上黨多晉公族子孫以詐力相傾矜誇功名報讐過直婚嫁送死奢靡漢興號爲難治常擇嚴猛之將咸任殺伐爲威父兄被誅子孫怨憤至告訐刺史二千石民俗慳悋

隋地志人多重農桑性尤樸直少輕詐

宋時潞州民死多不葬通判李昭現斥官地畫兆窆具棺衾作文風曉之俗爲一變

元好問學記上黨之間士或帶經而鋤有不待風厲而爲之者

五州志其人純質節儉勤於稼穡其地宜黍稷喜雨水不宜旱氣候遲

五代史曰山川高險而人俗勁悍自劉蕡以來常逐其帥一統志云民多儉質而力農士尚氣節而務學蓋彬彬盛矣然時移俗易苟可以執一論焉永宣成宏之時士無不循循敦行務實農若商惟簡素任野澤耕旃自敢凌肆自恣者至於惟薄儉約人皆相

嘉慕之迄明季漸致華靡宗戚武弁統袴之不啻
晉族卽偶得之浮名且高自負矣富商大賈雕鏤
拱玉勒金羈世族婦女珠絡翠翹飛羅垂髻儀節服
飾之盛幾於王公后妃轉相慕效漸成頑悖遂至江
河不返自

國朝定鼎之後兵燹蹂躪寇氛叠繼已覺勢極力憊而
後思安返本復歸淳儉矣此人事之必然亦天道循
環之理所不爽也然其間猶有不能盡革者凡夫聯
姻締交送葬尚平以及一切澆偽之風不免相仍舊
習之二三然則轉移之機蓋有所在不可諉也願與
執事者實重圖之

長治附郭當日習見王公宮室車馬衣服之盛而生
艷心故以士庶而效王公之儀節耳蓋其聯姻締交
往來求稱過者爲恭不及者以爲簡一或未稱有責
備者有非笑者主人有忸怩而不自安耳世祿統袴
富商大賈乘此闕靡遂至江河不返雖郡大夫屢政

於上郡守李公杜劉公復初鄉先生力挽於下方伯趙公
洪公良範皆刊布禁約
希慶都御史李公尙智身先節儉而諄諄
化語少可馬栗公小賦又著爲正俗冗談意非不佳

徒責其侈靡而不先正其名分故其約不得久行也
 不知人各有分也王公緇紳以至士庶其等殺不可
 越也守其分之謂禮循其禮之謂恭不相責備也不
 相非笑也如分而止是之謂稱稱我名分不稱彼儀
 物之隆殺也故曰齊以禮禮達分定豈惟奢者不敢
 增卽儉者亦何敢減長治志所謂轉移之機蓋有所
 在是推本之論也

見府志

桑之習至行遜遜荒人莫之知而勾引嚮導者多是
 家奴積命殘膏分寄盡爲借口便是腹心骨肉於是
 千金之子立化寒人而畚插負荷之夫既搜攫素封
 復勒浮工直身厭旃毳口螫糟糠凌貴加尊越禮犯
 分何所不至耶且優伶怙勢橫辱衣冠矣土壘泉張
 傾危神宦矣么齋賤肆輒敢投刺張筵與貴顯來往
 矣甲第盡歸於臺皂廣殿半據於豪僧元克扞網兔
 脫更成不掉游手樂禍喜亂公言報復婦人擄去贖
 田漸近無恥矣至送死一事則必歌舞婆娑男女雜

查鋪張錦繡羅列寶器名爲擺局非經營累月多方假手不可猝辦受其托者大爲苦累親死之謂何而因以爲樂此所當亟爲釐革者也昔所稱詐力相傾報讐過直婚姻送死奢靡者此其微矣元黃之後人心一變至於如此然則撥亂返治之本先正人心移風易俗之權必由禮教或尙可返陶唐氏勤儉之遺

風乎

見府志

程之炤曰上黨地居韓趙化習唐虞土瘠水深風醇俗厚由來遠矣晉川懷白兩志已謂其漸趨奢侈無

復古風然所慮猶在勲戚之家宗紳之族編氓市井未之敢干也自明季闖賊煽亂衣冠之禍深而豪民之氣橫鄉保揖讓於紳衿伍佰侵陵於閭閻奴僕玩弄於主翁綱常法紀掃地無餘貧兒陡成富室賤隸遠肩華宗衣裳車馬飾都雅之容甲第田園肆并兼之策甚且入學宮登仕版致令書香束手銅臭揚眉一二巨族方家方且與之締朱陳結秦晉初猶赧若漸且泰然人見半兩五銖神通足恃故日夜惟利是營而不知禮義廉恥爲何物甚者子不顧父親在而

別籍分財弟不從兄同室而藏怒蓄怨其他么庸者
子以富發身而還以身發富結交靡暑腹削閭閻恃
彼護身之符逞此肥家之計權子母居奇贏饒者愈
饒困者彌困此又時勢之大可扼腕大可寒心者至
於嫁娶葬埋淫靡尤甚嫁女革鳳轎御肩輿是矣然
肩輿之結綵懸花何所取乎茶餅之僭用盛禮而不
知制書所載有犯親玉饒吹之妄用違音而不知會
典所垂有干道將是當與鳳轎同爲厲禁矣夫椎牛
祭墓不如雞豚逮養痛哉此言堪爲隕涕乃孝子慈

孫寥寥鮮覲而送終一節偏逞豪華勿論貴賤富貧
初喪則素紙糊門延僧禮佛執紼則綵樓擺局置酒
閭棚人盡刻銘或笑其驢鳴犬吠家成樹碣徒工其
鳥篆虫書虛地上而實地下致使暴客生心搜金發
塚苦損其葬之有餘以補其養之不足庶幾哉親取
實用子省浮文而風俗可歸於厚矣若夫婦宗女範
節烈比肩上黨正姬芬馨竹帛雷澤志稱擄婦贖回
漸幾無恥然猶曰瓊尾流離情非獲已也近且唯薄
訟牒日積公庭寺堂化爲淇上里巷易作桑中深山

窮谷之鄉裙布釵荆之輩此情偏熾貽笑路人豈盡
饑寒所迫抑亦習染使然治亂民用重典此輩寧可
姑息乎近尤有可痛恨者醫爲性命所司而懸壺之
門岐軒弗講師乃文行之託而推臯之地孔孟無傳
其人胥志在療饑心非濟物豈能窺九流之窔奧闖
四教之藩籬以致民生天札士氣顛蒙則塾師醫術
官司宜考核而去留也是所望於爲民父母者焉

見拾遺

評曰閱周程二先生所云其於人情世態大書紀之
蓋爲風俗慮者深且遠矣顧當年以勲戚宗紳競尙
侈靡又多言兵革以後事其先離亂時卑賤克頑乘
隙犯分定多種種流毒兩先生炳有前鑑備悉情形
持爲是防微杜漸之說耳以予所聞諸耆年暨老成
人士猶徃徃能言其祖父以來儉樸遺意近且樸者
華淳者薄狡詐乘方而貧富相耀者幾不可縷述抑
獨何哉蓋人心既易趨於華麗而士行又多尙夫固
通也縉紳之族人所矜仰越禮犯分而不自檢束則
閭里族黨沿之爲故習矣其父兄之教不先而子弟

之率愈趨愈下矣間有一二守禮之士秉正之儒目擊憤淫心傷鳩毒又不能如前輩人慷慨直言無所顧忌欲其力挽頽風而一歸於勤儉也不亦難乎夫程君之去周約數十年未久也今之去程君約數十年亦猶未久也昔何以敢言而今何以緘默如是耶良以習染既久視爲固然苟有言者羣且起而詆之詆之不足又從而誣之必至箝其口而後已古人云投鼠忌器正謂此也嗟乎公論自在人心周程而後豈遂無人使盡如二君之敢言則中流砥柱端在斯

歲時

歲時風俗中一事也達之天下大畧皆同似不必書然五方異性亦微有不同者故亦書之以驗風氣而

觀習俗

立春

迎春雜春及春盤春餅海內俱同明時有春雞春蛾謂出自漢藩制極工巧以贈各官今亡矣夫

一元

日

春帖鍾馗桃符爆竹椒酒拜賀俱與海內同

五口

送窮雖韓子辯之甚悉然鄙俗不能革

人日 送綵勝 遊宴

上元 蒸麵繭以祀蚕姑作粘穗以祀穀神其元宵燈火與海內同今民間蒲條不能如昔之盛

添倉 在二十日倉廩庖厨 然燈添供俗令也 今在二十五日

中和節 二月一日 出穀

引龍 二日俗謂龍抬頭以 秣粉煎餠餽女兒

花朝 土人宴遊亦 與海內同

社日 多造社酒社糕城中 士民亦此日走社

三月三日 俗以此日為禳除 殊失上巳故典

寒食 晉俗為介子推斷火一月老幼不能堪周舉為 并州刺史移書介廟斷火三日魏武帝以太原

上黨西河皆寒近不堪 盡除寒食而今尚留其名

拜掃 在清明墓祭也民間 有秋幡紙鸞之戲

浴佛 四月八日僧寺設淨 水法筵香火甚盛

五龍會 四月十九日近山居民 享祀為大會族帛製楮

作幡幢樓閣人物花鳥 之狀聯絡籠統懸掛高 樹謂之掛絲金碧玲瓏 五色掩映製極工巧四 方觀者因為交易一日 罷市焚綵各村例供約 有數計費數金或二三 十金不等識者謂其虛 糜無益不若以此修葺 廟宇然愚民積習牢不 可破 矣

一瑞陽 艾虎角黍長命縷與海內同更以麥麵為白團 與角黍相饒送婦女剪綵縷金為花草鳥蟲相

遺問

關王廟會

五月十三日 其會亦盛

六月六日

曝衣與海內同牧養之家祀享于羊馬牧中

伏日

暑為避

七夕

乞巧與海內同

中元

薦麻穀干先祖以楮帛製為寒衣焚化之或修齋誦經日追薦造麵羊以饋女氏比戶用浮屠

跪書祖考姓名供於木主前至晚燒化門外以菜漿送之疏內題云日蓮救母辰人多感之雖

士夫家亦習而不察甚非禮也急宜革之

中秋

設瓜果拜月與海內同 俗以是日招柝飲

社日

禾稼將登士女走社視春又盛

重陽

登高賞菊與海內同 俗造麵為餠糕相饋

下元

十月初一日俗以是日與清明中元為三鬼節皆祭先祖土人家亦祭族厲農家于是日勞農

休息日 閉場門

冬至

俗飲并習之禮

臘月五日

喫五豆同後臘八日

臘八

臘月八日也取肉汁煮白粲加棗栗榛杏以為羹日臘八粥以秣粉煎餅祀祖先相問遺

祀竈

臘月二十四日也 陽祭與海內同

除日

守歲與海內同俗于是日多始娶以新舊交承無忌非也

舊志曰唐俗勤儉古志之矣近當鼎革之後民窮財

畫遠不逮於古初而猶自強爲享賽之侈靡喪葬之繁華烏視所謂勤儉之風乎至若民間婦女每遇廟會結伴燒香紛紜絡繹殊傷閭閻之行是不可不爲之鑒戒矣余故禁而止之後之君子諒有同心也
氣候物產

山川原隰異形而氣候早晚因之上黨山高惟夏令差不甚爽冬令常侵於春秋之半至於人秋卽霜盛夏而雹乃其常也試范太行觀之中州之綠野鋪茵山中之黃芽始甲迨夫千巖葉落而山趾之樹梢

青其氣候相懸蓋如此是以歲惟一熟獨宜黍稷卽有香粳珍果皆荷擔越竈而來間亦有一騎紅塵以供厨饌者嗟嗟先王制禮因天之道制地之宜時物之不同一方風氣使然豈得以山居魚鱉川居鹿豕爲禮哉則裁成輔相之道烏容已已

穀之屬 黍 黑者爲秬用以定黃鍾之律以生度量權衡神農得之羊頭山 稷 木粟

粱 麥 麩麥 蕎麥 菽 大豆也 小豆 菘豆

江豆 扁豆 豌豆 麻 胡麻 稔子 秫

菜之屬 韭 薤 大韭 葱 蒜 芥 芹 苜 白菜

萬苣 蕪菁 蘿蔔 胡蘿蔔 苕蓬 胡荽 茄

茼蒿 瓠瓜 有菜瓜玉瓜絲瓜南瓜北瓜 地菘 木耳

苦苣 諸蔬 俗稱山藥 波稜 香菜 玉環 俗名耳露

芥藍

果之屬 棗 梨 柰 杏 有巴旦杏 桃 有扁桃 李 黃紫二種

萍果 棠梨 銀杏 胡桃 花紅 俗名雁過紅 櫻桃

葡萄 石榴 林檎 沙果 榛 冬果 木瓜

西瓜 甜瓜 棗梨 見初學記 秋果

藥之屬 桔槔 蒼朮 半夏 天南星 黃精

藁本 防風 柴胡 貫仲 黃芩 紫牛 荆芥

欵冬花 益母草 車前子 兔絲子 蔓荊子

酸棗仁 寄生草 何首烏 蛇牀子 紫蘇子

五靈脂 菴菽 羊歡草 即白菊

地錦 一名草血竭一名血見愁一名雀兒卧單澹稱小虫卧單

香薷 米殼 文蛤 藜蘆 知母 貝母 甘菊

甘草 草烏 茵陳 菖蒲 蒼耳 連翹 薄荷

巨勝子 豆參 苦參 遠志 瞿麥 威靈仙

升麻 商陸 紫苑 禹餘糧 椒 鼠粘子

蜜陀僧 小茴香 石鍾乳 白石英 石脂 五色

朴硝 長石 硫黃 不灰木 秦艽 艾 枸杞

蒲公英 山慈菘 茱萸 瓦松 馬兜鈴

木之屬 松 有栝松 千松 榆 槐 有青楊 白楊 椿 香菜 二椿

柳 有垂柳 楸 桑 椴 皂莢 椴 檀 樺 柘

栢 有香栢 血栢 栲 卽木

昔曹魏建鄴宮伐上黨山材故其規制極盛後歷代
砍伐加以樵牧日頽深山絕巘若彼濯濯所稱木
之屬惟楊槐榆柳人則頗茂餘非盆中之景則神棲

之禁物耳今并盆中之景絕而神棲之禁物漸凋矣

悲夫

花之屬 牡丹 芍藥 蓮 出 菊 葵 有蜀葵 黃葵 向日葵

萱 玉簪 石竹 月季 百合 刺薇 紅黃 二色

木槿 鷄冠 射干 俗名紫 蝴蝶 山丹 水紅 鳳仙

金盞 鸚鵡 俗名金 銀花 卷丹 丁香 寶祥 麗春

十姊妹 紫茉莉 夾竹梅 迎春 地棠 海棠

開 有 剪春羅

草之屬 藍 紅藍 茜 葦 荻 蒲 茅 繡墩

棘 萍 荇 藻 蓼 芊 躑躅 苔 垂盆

水葱 馬蘭 扁竹 首蓿 吉祥草 滴草

烟草

禽之屬 鶩 鴨 鷄 鴿 鶻 鳩 鵲 啄木

鳥 鶩 雀 燕 有胡燕 火燕 鴉 倉庚 蝠 布穀

鷹 鷂 鳩 畫眉 訓狐 石鷄 拖白練 鷓

似鴉黃 黑色 映山紅 寒號虫

山中翠羽水際珍禽非地產者不書至於鶴鵲雁鴉

雖非地產時亦羣集

獸之屬 牛 馬 麋 驢 羊 犬 豕 貓 狐

鼠 有栗鼠 田鼠 黃鼠 鼠狼 兔 鹿 麇 獐 狼 獾 猴

虎 豹 熊 三獸不恒有有則驚以為異然亦在深山絕壑中避人跡

蟲之屬 蠶 蜂 蟻 蝶 蟬 蚓 蛇 蠍 蝟

蜈蚣 蟋蟀 蜥蜴 守宮 堂螂 玃 蝦

蜻蛉 蜘蛛 蚰蜒 蜈蚣 蝦蟆 蝌蚪 蚰蟻

五色魚 盆池中蓄 養供玩 蜻蛚 斑貓

貨之屬 紬 布 不產木綿織亦 少間有亦粗惡 絲 此系套絲廢出 無幾路紬所資

來自他方遠 及川湖之地 鐵 刀 錐 之 刺 蜜 炭 炭 麻 菴

風俗

圭

紫紅黑二色白者來自汾晉

石灰

舊志有紗墨鉛綾絹吧今絕

石之屬 烏石

出潞澤山中純墨如漆細潤如玉性堅刀刮不動可作帶用亦最難得見王佐

博物要論

竹之屬 鳳尾 觀音

方言

麻胡子

後趙將猛悍人畏之築城晝夜不止惟鷄鳴乃息女賢恤民假作雞鳴父覺欲撻女女懼逃入仙姑洞後於黃州飛昇俗每遇兒啼便怖之曰麻胡子來亦猶江南兒啼曰泉遼來夏人兒啼曰劉都護來都護輪官也麻胡子豈狐狸之謂哉見一統志

宿麥

卽小麥漢明帝詔宿麥潤澤其來遠矣見漢書

鵠那子

圓麵食本淮南子蜂方不容鵠那蓋小不包大也

攢盒

明郊壇遣中官以攢盒賜廷臣貯各色甜食珍果酪爲分封地故有攢盒之稱見王濛溪

聖談

茶餅

太子世子夢妃乃用之潞治王府故事借用是宜禁也見皇明制書

下茶

凡種茶必下子後植他處則不復生俗聘婦以茶爲禮卽用雁義路稱納徵爲下茶祖此

見瓦全道人程百二茶論

不落

酒器名白香山詩銀不落從君勸路稱柳篋爲不落雖假借非杜撰也見羣碎錄

家里

沈休文山陰擲家女詩還家問鄉里詎堪扶作夫鄉里謂妻也南史張彪傳我不忍鄉里

茶他處今會稽人又稱家里謫稱妻與伶
指同其義一而已矣見姚寬西溪叢話

生分

分讀去聲師古注曰生分謂父母
在而昆弟不同財產也見漢書

酒曇

抱朴子曰曇鳩鳥別名以
此名器殆亦旨酒之戒乎

買郎巾

老僧泰賢云涇師段祐常失銀器十餘事令
貧道以千錢詣西市買胡求郎巾偶問官健

朱秀秀

曰甚易得遂於古培摘出三枚如巨
虫兩頭光帶黃色祐得卽集女奴環庭炙之

虫慄蠕動

一女奴臉唇嚙動果竊銀器欲逃
者今路人偶失財物便謂買郎巾炙之亦謂

狠之筋耳

豈知乃虫
類哉見酉陽雜俎

鬻濁虫

俗稱不曉了者之名本楊升菴士有藐藐於
臨文官有憤憤於臨事世皆目之曰鬻濁虫

見升菴集

爸爸

讀曰巴俗稱叔曰
爸爸音與賴人同

姨

稱母曰姨俗作娘非不
杜詩爺姨妻子走相送

賊王八

前蜀王建許州人隆眉廣頰狀貌偉然少暑
牛盜驢及私鹽里人謂之賊王八俗書本此

見五代史

陽壕

俗稱陽溝爲陽壕荀子入其央漬註謂申漬
人家出水溝也又稱央漬太平御覽莊子逸

篇又稱羊溝升菴所紀若此今則陽溝堙塞
官街穿鑿糞坑幾如蠻荒之國環側而居觀

瞻弗雅不可
爲之厲禁乎

咸子

樂器也世謂之彈咸子又謂之撥阮蓋此樂
製自晉阮咸用其姓名示不忘初也又紅線

傳稱線管彈阮咸則分合
皆無不可耳見太平廣記

漫上不漫下

漁鼓簡板元以前謂之簡鼓息竹靖康初民間以竹徑二寸長五尺許冒皮於

首其製曰漫上不漫下俗說本此見聖談

合絡火燒

水淪而食者皆為湯餅今蝴蝶麵水滑麵托掌麵切麵挂麵餛飩飽合絡撥魚冷

為籠餅亦曰炊餅今畢羅蒸餅蒸饅頭包子兜子之類是也爐熱而食者皆為胡餅今

燒餅麻餅薄脆酥餅髓餅火燒之類是也俗

稱本此見聖談

以上方言悉節錄程之珩潞志拾遺

長治縣志卷之九

知縣事沐陽吳九齡景文甫修輯

封爵

環潞皆山也地勢險峻非宅中圖大之區故歷代帝王不以置都雖唐明皇以臨淄王為潞州別駕宋徽宗以端王為潞昭德軍節度使亦不過一時因事安置之意耳至於封爵之典則徃徃有之考黃帝時封炎帝支子於潞是潞之受封山來已久而通志獨引協和萬邦班瑞琴后語謂三晉封爵肇自唐虞殆亦

體刪書首二典之義乎厥後成周剪桐以封叔虞而
晉之疆宇大啟焉自漢至於勝國雖無分土分民之
制而或食封郡縣或拜爵名藩崇德報功其有繫於
河山之帶礪者亦不可不廣搜史乘以爲稽古之一
助也長治爲潞附郭邑在昔或名郡或名州或名某
軍凡專言潞者例得脩書志封爵

上古

潞路史炎帝之後曰參盧黃帝封諸潞後繁於河之東北
商周間別爲赤白之狄見通志凡舊縣志已列者不另加小註

周

潞隗姓子爵故上黨地應劭曰潞子離狄內附春秋嘉之
稱其爵列諸盟會間也 通考春秋列潞子之爵許其

慕諸夏也 見通志

甲氏潞氏屬春秋宣公十六年晉人滅赤狄甲氏及留吁
杜預注甲氏留吁赤翟別種晉既滅潞氏又并盡其餘
黨 見通志

皐落氏赤狄別種在潞州 左傳晉太子申生伐山東皐
落氏 見通志

漢

上黨王劉虔後主太子景耀二年封

見通志

晉

上黨郡公石勒漢主劉聰僞命封邑五萬戶

上黨郡公張蚝秦王苻丕太安元年封

上黨公姚昭燕主馮跋封

見通志

北魏

上黨王元天穆建義元年四月封子儼襲

見通志

慕容曰曜從太武東征遙封上黨公

上黨王長孫道生儉子太延元年山汝陰公晉昌孫觀襲

觀子稚降公後復封王改馮翊 世系表道平人封上

黨靖王子旃司空上黨康王十觀司徒上黨定王子稚

西魏尚書令上黨文宣王

長孫稚遙封上黨公

長孫承業以太保遙封上黨公

王仲興以恩倖遙封上黨公

王謀以祠部尚書賜爵上黨公

劉靈助以下筮遙封上黨公

北齊

上黨王高澄高祖第七子天保元年六月錄平原郡本晉封子寶嚴襲

上黨王高紹仁天保十年十二月改封漁陽王通考云文

襄第六子

通志作紹信

上黨公長孫紹遠孝閔元年封

見通志

後周

大將軍廣化公卹崇爲潞國公

見尚書

宇文達爲右大弼大象元年以上黨爲代國實封達爲代

王食邑一萬戶似遙封而實封也

唐

潞王李賢高宗第六子永徽六年封龍朔元年徙封沛王

侯君集從太宗平高昌有功遙封潞國公

薛萬鈞從李靖討吐谷渾有功遙封國公

李湛宗室遙封上黨公進封韓王

郭虔瓘解北庭之圍遙封潞國公

上黨郡公李諫韓王元嘉第四子

見通志

上黨公李矩長樂郡王幼良子

見通志

長江縣志 卷之九
上黨郡公長孫渙無忌子

見通志

上黨縣公長孫無忌武德中封正觀元年晉齊國公

見通志

五代

潞王李從珂後唐長興四年五月戊寅封卽廢帝也

宋

潞王趙元佐太宗長子明道二年追封

見通志

潞國公文彥博仁宗時封

潞國公主神宗第三女

見通志

上黨郡太夫人馮氏陳堯佐母真宗封

見通志

金

潞王完顏永濟世宗子卽衛王也大定二十九年閏五月

錄勝王晉封明昌二年四月改封韓王

見通志

潞王完顏允德世宗子承安二年錄幽王晉封

見通志

潞王完顏宗堯太祖子世宗父天會十三年追封世宗初

上尊諡

見通志

潞王完顏宗本太宗子大定二年追封

見通志

潞王張浩天德中封旄改蜀王

上黨公完顏開與定四年二月封

見通志

允濟世宗第七子由勝王進封潞王改衛王立爲帝

張開以昭義節度使獲太原有功實封上黨公開公府以

遼沁隸焉

永德章宗弟初封潞王改封潞王遙封也

元

尙野以集賢殿大學士遙封上黨公

樊楫以中書省參知政事進征死義遙封上黨公

張著以翰林學士承旨遙封潞國公

鄭鼎追封潞國公其妻燕氏以子制宜貴封潞國夫人

見元史

明

藩封爲藩國世子以下諸子俱封郡王長子以下郡王諸

子俱封將軍曰鎮國曰輔國曰奉國三將軍以下復有

三中尉其爲鎮國輔國奉國亦如之而皆以世降授

簡王模明太祖第二十一子也洪武二十一年封以幼未

之國永樂初建北京藩爲左輔地非藩封所宜乃建國

潞州六年始之國性謹厚嚴諭官校無擾地方村城寧

謐

康王佖焯簡王世子初侯嫡封武鄉王宣德七年襲封訓
一其世子諸王皆文雅蔚有時名潘之文獻王敬之也

莊王幼學康王世子天順三年襲封時太妃在上王常辨
正殿不處臣下有過作詩論改服惟布袍不以膳僅戕
物命年八十每朝廷有大慶賀宣讀表目必以王名爲
首稱一時榮之

恭王諱鉅莊王世子初以侯嫡封西陽王正德三年改爲
世子五年襲封待宗人用家人禮時臨慶弔亦赴燕會
卽與臺走卒服役終身不見其呵怒者仁厚之君也

靖王勛澐恭王世子初封福山王早薨追封

懷王允楷恭王世孫早薨追封

安王詮錄莊王子身封靈川王諡榮懿嘉靖十二年以孫

憲王晉封追封改今諡

惠王勛潛安王子身襲靈川王諡恭祿嘉靖十二年以子

憲王晉封追封改今諡所著有疑集

憲王允核惠王子安王孫莊王曾孫也靖懷無嗣以倫次

晉封王英睿俊郎喜讀書親文儒地方事必與郡縣協

議而後行其大者如城王城設參將之類是也抽毫作

賦纒纒數千言倚席而就海內名士爭爲文字交尤喜
翻刻書籍所著有保和齋稿五卷

宣王恬炆憲王世子嘉靖三十一年襲封遼憲王喪徙行
百里哭不絕聲先是藩王多喪次受封士曰非禮請終
制世宗嘉之著爲令各藩有三年之喪自王始璽書勞
勉曰忠勤曰忠義曰好學敦倫所著有綠筠軒稿四卷
定王瑄堯宣王世子萬曆十二年襲封王博學瞻通詩事
晉魏而折節於士大夫嘗出千金帑餉元菟枋卒復出
千金帑哺宛葉饑民神宗嘉悅賜璽書褒之所著有修
業堂稿一卷註解金剛經一卷

裕王效鏞定王世子天啟三年襲封賦性醇謹度量寬洪
過日不忘手不釋卷所著有寸陰十鏡東壁館書抄
王迥洪裕王世子崇禎十二年襲封方在冲齡適值國變
爲賊劉方亮挾之馬上而去不知所終帶礪之盟於斯
盡矣

簡王分王六子

陵川康肅王佶燧曾隨簡土朝京成祖以猶子召入宮朝
文皇后賜玉帶還國

長江集
平遙僖靖王佶焯

黎城昭僖王佶焯

稷山悼靖王佶焯

沁水悼懷王佶焯

沁源恭定王佶焯

康王分王六子

清源莊簡王幼圻康王好學嚴訓諸子王獨博又名一時
著作多出其手別號懷雲至今膾炙人口

遼山宣穆王幼瑩

內邱恭僖王幼瑩

廣宗懷靖王幼林

唐山悼僖王幼瑒

永年榮安王幼燧

莊王分王六子

靈川已晉封即安王也

宜山康僖王詮鎬

宿遷榮簡王詮鏐

吳江昭和王詮鏗

長治縣志 卷之六
定陶恭靖王詮鑑

雲和王詮鑑無子未諡

惠王分王一子

德平榮順王允挺

憲王分王二子

鎮康恭恪王恬焯王頴俊該博性嚴毅不妄交乃獨留心於白屋之士每賓興餞贐從厚且無德色至於不時掩幣澤及枯骨尤屬懿美

安慶端懿王恬懽好吟詠善用險韻與士大夫能詩者聯社唱和意合卽千金不惜嘗策時事達常道多名言勅褒曰孝敬經濟

宣王分王四子

保定惠順王瑄坦博雅能文琴書尤妙

德化溫簡王瑄煥

靈壽康穆王瑄壇

六合王瑄堦未諡

宗支繁衍其餘不能悉載矣

嘗觀自古同姓諸侯之盛未有踰於明朝者也詩曰商

之孫子其麗不億以明視之豈止億而已哉藩以忠厚
 開國號稱遵訓守禮脫去一切聲色狗馬之習已彬彬
 然有魯衛公族之風矣加以約束嚴謹諸宗室無故不
 得擅出封城非敢請批允不得擅與詞訟間有一二躍
 冶者即繩以國法罔貸是以宗民錯處視他處頗稱寧
 謐天啟初議加額廣制科崇禎時復開換授例藩藩素
 稱安靜舉未有應之者止有宗貢數人矻矻窮經皆稍
 殺膺民社附見歲貢中夫河間陳思誠光帝胄更生十
 駿史不絕書則夫宗髦迭出卓爾不羣者又安可民也

如沁源之悼和允唐山之恭懿勳德平之端和恪榮順

頊或鼓吹風雅或閉戶怡神皆賢王也至於行誼文章

蔚為宗望則必推陵川沁水為牛耳陵川首創宗約實

為詮鉞孤詮鉞孤詮鉞孤但康肅王之孫創建會所敦

請名士如趙方伯希夔陳大守吉程大守應登程學博

應科訓其同宗子弟以修齊為主吉凶之禮一準於古

故約中子弟恂恂秉禮多篤行之君子其著者有勛惠

雲崖有雲崖集臨摹勛雲崖有約範八卷諸禮勳

雲崖有建勳雲崖有明勳雲崖有敬軒有勳

雲崖有勳雲崖有勳雲崖有勳雲崖有勳

人詩十卷 允狀 敏軒有詩 允耕 誠軒有詩 允梢 遜軒有詩

後集八卷 又有勛汎 雲 助浯 山 老而嗜學子夜猶有書

文集五卷 燈無人識其面者品望之表表者也沁水自莊和王允

懷垂家範 有家範 子恬焮 達 立進修宗會 有訓約 子孫

遵奉蕃古書聯詩社一時縉紳樂與之遊其著者有恬

爍 有振庵 恬焮 有約 恬焮 有 裕 瑄 瑄 玉罔有宗會詩

圻 王林有怡真亭稿杞見錄 藥石瑄 效 鋌 盤峯善臨池

醫社庸談七揚 又有宗老 瑄 王 不求聞達尤為博

雅君子詩學字學皆獨擅一時

張 斌長沙瀏陽人爲燕山護衛百戶靖難累功封成陽

侯卒贈潞國公

按志載實封者皆臨其地者也達封者皆未臨其境

者也要之既有食采卽有威權厥後宗支繁衍習尚

不一居民亦有受其累者我

國家制度精詳斟酌盡善亦有日月不設分藩小民除歲

奉正供而外全無威勢脅延之苦其諸不識不知而

順則者何莫非無偏無黨之宏施也哉

長治縣志卷之十

知縣事沐陽吳九齡景文甫修輯

兵制

可百年而不用必不可一日而不備者其惟兵乎則志宜詳焉夫夏官司馬掌九伐以正邦圻父薄違統六師而平國後世或置五兵尙書或改司戎常伯或總兵制於樞密或統中書於軍職如姚元之暗記兵儲亦云精敏屈突通不貪珍寶足表清廉矣又若許將八事蔣伸三留盧元輔克繼門風柳公權增修本

職武庫則弓矢戈盾詢之司甲車駕則馬牛輿輦問之牧師言兵仗之有餘對簿領而無失孔若思持水知足於郎官李藥師拊床見稱於僕射從來久安長治之圖武衛與文教並重左氏傳曰天生五材廢一不可誰能去兵大哉言乎我

國家威德覃敷殘兵整戢右衛三關分置節鎮會城復設守尉固已表裏磐固又奉

命簡閱武勇二千號額外營器利材良足以張右翼衛全晉永鞏億萬年之丕圖潞安者又全晉之右翼也長

治附郭是不可以不書也志兵制

國朝康熙元年以柯永盛爲山西提督駐平陽府四年移駐省城十三年陳一炳周卜世繼任十四年仍駐平後提督奉裁二十二年移太原總兵駐平陽府是爲南鎮雍正元年以侍衛袁立相爲太原總兵六年改提督節制全省九年袁立相去任奉

特旨巡撫石麟兼管山西全省提督軍務本年九月任舊未另設提標官兵

太原鎮駐劄平陽府統轄蒲州一協潞澤平垣太原

平陽汾州盩厔靖安七營設總兵官一員鎮標分左
右兩營

潞澤營駐劄潞安府轄澤州潞安城
守東馬嶺三營額設叅將一員

申軍守備一員把總二員馬步戰守兵四百一十八

名雍正六年分歸澤州營把總一員步戰兵二十六

名守兵六十九名十年又分歸澤州營步戰兵十名

本營添設把總一員守兵四十九名實在經制官四

員馬戰兵五十四名內外委把
總三員步戰兵九十三名守

兵一百六十五名各官自備馬一十六匹兵丁戰馬

五十六匹

每歲額支餉銀四千九百五十兩米一千一百二十

三石二斗 春冬二季馬料豆三百七十八石草二

萬五千二百束夏秋二季草乾銀三百七十八兩

分汛設防各縣屬二十二處

潞安城守營駐防潞安府額設經制千總一員守兵

一百名千總自備馬一匹於乾隆二十五年奉文移

設澤州府陽城地方防護其潞安本府城守事務今

屬叅將府轅門左司把總帶管

營汛八處

在城四門內各設一汛

分汛設防四處

漳澤村

營汛一處守兵三名墩臺一座 祿村 營汛一處守兵三名墩臺一座

蔭城鎮

營汛一處守兵三名墩臺一座 西火鎮 營汛一處守兵三名墩臺一座

驛站

漳澤驛

洪武三年設於郡西漳澤村八年移置長子南開與長平驛接北達余吾驛 舖遞已見

內疆域

武事

戰國廉頗趙將拒秦兵於長平數戰不利乃堅壁以

伺之秦得借以行反間 趙括徒讀父書而不知變

秦行反間得代廉頗爲將入秦伏中不得出食盡力

戰死其下四十萬人皆降白起以計坑殺之 八諫

括恃知兵多妄舉軍中有八諫死者非將必兵今不

可考故鄉曰八諫而鎮曰八義云 趙王武臣使張

慶畧上黨 漢靈帝時大將軍何進令并州從事張

楊於本州募兵得千餘人因留上黨擊山賊進敗楊

遂以所將兵攻上黨仍畧諸縣衆至數千 陳豨攻

上黨任敖堅守封唐阿侯 晉武帝時匈奴郝散攻
上黨殺長史 劉琨募兵上黨得五千人 總管李
襲譽安康郡公之討王世克也襲譽以太府少卿拜
潞州總管時突厥已和親而又通使世克襲譽捕斬
之 都督李安遠夏州人太宗甚重之歷潞州都督
以幹用顯然急刻少恩頗損名譽 節度諸將李廷
芝李抱真卒司馬元誼據磁州叛于虔休遣廷芝討
之戰長橋斬級數百又潰其衆於鷄澤決水灌其城
誼窘奔魏博 來希皓潞大將節度使李長榮卒中

使提詔察軍士附者即授之希皓爲衆所推固辭盧
從史遂越次僭受使當時諸將皆若希皓安得有藩
鎮之變 烏重胤潞大將爲軍中所素服盧從史被
縛重胤坐軍門諭軍士以禍福衆即定拜河陽節度
使 王元侁第五釗皆盧從史時大將惡其險惡不
與同心 張仝潞州將鎮磁州田悅攻之嬰城固守
數月攻益急食匱士多死傷乃悉招將卒出其女使
拜之曰家無寸物勞公等願賣此女爲將士一日費
衆大哭誓死守會馬燧將太原兵至內外合擊無不

一當百圍解以功遷泗州刺史 夏侯仲宣昭義將也討吳少誠爲韓全義誘殺之死非其罪 王猷潞兵馬使當都士美討王承宗也將萬人爲先鋒逗撓不進士美斬以殉軍聲遂振大破承宗 賈直言劉悟副將悟旣脅窳劉承偕漸驕塞無人臣禮直言責之曰公欲效李司空耶軍中安知無如公者悟改容謝之及悟死從諫謀襲職直言入責曰爾父提十二州地歸之朝廷其功非細祇以張汶之故常自謂不潔淋頭竟至羞死爾孺子安敢如此從諫悚仄不敢言一軍皆服其論而廟堂竟授從諫節鉞以至貽禍地方從諫亦因以滅族則直言一論所關甚不細也 鄭注昭義符軍司馬善醫王守澄薦之文宗遂得幸卒召其露之禍 李丕潞將劉稹拒命丕不欲從而軍中且疾其才乃乞爲潞突深入遂脫歸拜振武節度使 薛茂卿潞將爲劉稹拒天井關與忠武軍王宰密約取澤州茂卿爲內應宰失期事覺爲稹所殺贈博州刺史 李萬江本退渾部從李抱王至潞牧馬津梁世爲潞將劉從諫疑之遂滅其族 王協

劉守義 劉武德 劉公直 安全慶 李道德

李佐堯 董可武皆潞將附稹亂石雄縛送京時

並誅死 郭誼潞大將爲稹謀主王師四集取山東

三州勢已去又謀殺稹欲邀寵以得節鉞李德裕請

誅以懲奸臣遂伏誅 白惟信潞梟將懼石雄走保

潞城且斬雄使數輩雄欲盡誅其衆盧鈞爲保全械

送京師夫以梟將失身於稹非盧鈞寬厚幾與王愷

郭誼同誅亂可輕從哉 潞州小將史失其名太初

中白敏中以宰相統節鎮兵數萬征吐蕃旣陣有蕃

酋緋茸裘寶帶乘白駿馬揚鞭挑鬣凡數次去軍僅

百步指揮其衆傍若無人軍中有潞州小將驍弓貫

矢而出二發皆中其項躍馬而前踏於鞍褫袍解帶

奪馬而旋我兵大振奮戰追奔獲輜畜無算束平降

者四萬人河湟界在匈奴者盡爲唐土小將倡激之

力而名竟泯泯位卑功高不得施於後世從古已然

矣 劉廣潞將高潯擊黃巢敗於石橋廣擅歸據潞

成隣潞將因高潯敗奔華州遂殺潯歸據潞與廣

俱爲孟方立所殺 後魏永興五年四月上黨民勞

聰士臻羣聚爲盜殺太守令長相率外奔 神瑞二
年河西數萬戶附於魏歲饑屯聚上黨推白亞粟斯
爲盟主自號單于以司馬順罕爲謀主魏遣公孫表
等討之 神慶二年二月上黨李禹殺太守自稱無
上王冒署將帥河內守將擊破禹亡走山中執殺之
建義二年正月燕州民王慶祖聚衆於上黨自稱
爲王柱國大將軍爾朱榮討擒之 周靜帝時尉遲
迥令其署行臺韓長業攻潞州陷之執刺史趙威署
州民郭子勝爲刺史并州總管李穆遣將取潞州執
子勝 唐蔡希德寇上黨節度使程千里追之橋壞
墜輦被執 節度使王思禮敗史思明於宜千嶺

唐廣明中潞州節度使高潯攻諸葛爽於河陽遣隊
將孟方立將兵出天井關爲先鋒潯爲其將劉廣所
逐亂軍殺廣方立引兵自天井入據潞州以兵部侍
郎鄭昌圖權守潞人心多附方立昌圖不能制朝議
以大臣鎮撫授王徽同平章事領昭義節度使是時
李克用亦爭澤潞徽度未能以兵抗之奉表固辭詔
可 大順元年五月河東叛將馮霸殺潞州守將李

克恭降汴汴遣葛從周入潞州河東遣康君立攻之
從周走河陽 馮霸叛李元審敗入潞州潞州牙將
安居受亦叛殺克恭及元審使人召霸霸不受命居
受懼而出奔行至長子爲野人所殺傳首於霸霸乃
入潞州自稱留後以附梁 牛存節以功遷潞都指
揮使法令嚴肅善得士心全忠攻鳳翔召存節爲將
潞人送者皆泣 元化元年十二月河東李罕之以
潞州降汴二年四月遣氏叔琮攻太原不克七月河
東取澤潞 天復元年梁遣氏叔琮攻晉出天井關

晉澤潞節度使孟遷迎降爲梁兵鄉導以攻太原不
克叔琮軍還過潞以遷歸於梁 晉王潞留後薛
志勤卒李罕之時爲澤州刺史引兵據之執晉守將
馬漑伊鐸等送於梁梁遣丁會守潞州晉遣李嗣昭
攻之嗣昭先取澤州收罕之家送晉陽越歲罕之疾
賀德倫代守潞嗣昭以鐵騎環其城捕芻牧者附城
三十里黍禾刈盡德倫窘窘遁梁元從馬軍指揮使
宋友倫以兵入潞州取罕之以歸 天復中梁右羽
林統軍徐懷玉屯澤州晉人攻之爲隊以入懷玉擊

之隊中晉人乃却 梁開平元年五月潞州行營都
指揮使李思安及晉人戰敗績 二年五月己丑潞
州行營都虞侯康懷英及晉人戰於夾城敗績 後
唐裴約潞州牙將後爲澤州刺史不肯降梁死節
石居立潞州牙將將兵五百掠晉陽朝發夕至出奇
退敵後被梁執不肯屈 馬舉潞州牙將以奏事謁
令狐綯一僧相之謂綯曰當與公維楊相代綯不之
信後破龐勛拜淮南司馬果與綯代於楊州 漢天
福十二年四月乙丑侍衛親軍步軍都指揮使史宏
肇取潞州戊辰取澤州 遼主德光師其去留職崇
美攻王守恩於潞州漢主嵩遣侍衛步軍都指揮使
史宏肇前行擊之崇美敗走守恩以城歸漢而河陽
武行德澤州翟令奇等皆迎弘肇自歸 遼主德光
以取崇美爲昭義節度使屯澤州將攻潞漢遣史宏
肇進克澤州遼師從山下河北遁去 周世宗卽位
并人入侵其將張暉率先鋒自關栢谷入營梁侯驛
攻瓜堡柵所至焚畧盡昭義節度使李筠遣護軍
穆令均率步騎二千拒之令均營於太平驛驛東南

距潞八十里失於偵邏暉凌晨奄至潞兵被甲介馬
暉見之佯退潞兵追之并伏遂發令均且鬪且却步
卒降并者數百人騎不復者百人餘衆還保潞 宋
建隆三年二月甲寅北漢寇潞晉守將擊走之 雍
熙中詔樞密都承旨楊守一護遷雲朔歸附兵屯於
潞州 李昭亮潞州人以父繼昌廕補官爲潞州兵
馬鈐轄 金人入侵姚古軍懷澤間遣王德謀之斬
一酋而還古曰能復往乎德從十六騎徑入隆德府
治執其守姚太師左右驚擾手殺數十百人衆愕眙

莫能前古械姚獻於朝欽宗問狀姚曰臣就縛時止

見一夜叉耳時遂呼德爲王夜叉 金下潞州復叛

宋兵號十七萬骨骸突合速拔離速皆被圍突合速

麾軍下馬力戰遂潰圍而出 金興定元年十二

月甲辰朔元兵攻潞州都統馬甫死之 二年六月

巳酉苗道潤所部兵請隸潞州元帥府詔河北行省

審處之九月乙亥元下太原府內戎以戶部尙書納

合滿刺都爲元帥右監軍行元帥府事於潞州十一

月甲申元兵收潞州元帥右監軍滿刺都叅議官修

起居注王良京死之 元光二年十一月戊午以上

黨公完顏開之請論開及郭文振史詠王遇張道盧芝等各與所鄰帥府相視可耕土田乃瀕河北岸之地分界而種之以給軍餉 十二月癸酉以空名宣命金銀符給完顏開賞功 張開景州人以元帥左監軍行元帥府事與郭文振共復太原封上黨公以澤潞沁隸焉復取高平澤州及戰壺關有功既潞危急請建公府以固屏翰陞澤沁爲節鎮從之後以請糧不繼而又與文振不相賑恤勢窮各散以至於敗

潞竟失守及再起用戰敗走死 正大元年九月樞

密判官移刺蒲阿復澤潞獲馬千匹 六年八月移

刺蒲阿再復澤潞 七年恒山公武仙自衛州圍上

黨元兵至仙遜歸 元己卯趙州王玉從木華黎攻

澤潞諸州獨潞州堅壁不下玉力戰流矢中左目竟

援其城遂破平陽下太原汾代諸州 庚辰潞州元

帥裴守謙澤州太守王珍皆以城降史天倪 任志

潞州人以歸木華黎授潞州元帥死於武安 太宗

庚寅九月武仙圍潞州命塔思救之仙聞之退軍十

餘里塔思率十餘騎覘賊形勢恐有伏不敢犯塔思
曰日暮矣待明旦擊之是夜五鼓金將移刺蒲菟來
襲我師與戰不利退守沁南賊還攻潞州城陷主將
任存死之冬十月上親征遣萬戶因只吉台與塔思
復取潞州仙夜遁邀擊之斬首七千餘級以任存姪
任成爲本州長官代領其衆 任立存子存死尙幼
故先官成成卒授本州長官至正十七年曹州賊入
太行焚掠至晉寧大同時察罕帖木且在關中間上
黨李惟馨有濟亂才遣使聘之察罕將有事於燕元
惟馨說以東取冀晉固守上黨爲上策遂遣關保虎
林赤要擊賊歸路時賊已深入至杏城二將將部兵
上黨縣尹郭從善將義兵爲之犄角大破賊 閏九
月乙丑潞州陷 察罕遣二將復晉寧大同賊去請
二將歸守潞州爲休兵進取計惟馨又圖地利險易
分屯澤州塞碗子城屯上黨寨吾兒峪屯并州塞井
陘口以杜太行諸隘賊遂不得入 明洪武元年十
月右副將軍馮勝取潞州關保遁去 二年正月諭
山西諸將口平章楊璟兵出澤趨路中道與賊相扼

雖少算以累軍此亦兵家常事又何慮焉太原之捷
得此以分彼勢亦可謂奇矣今定偏將軍和居馮宗
異之下偏將軍璟居和之下 洪武初興武衛指揮
僉事袁義從北征走賀宗哲詹同於澤路功最 明
定元都湯和楊璟等自澤州徇山西擴廓遣平章韓
扎兒禦之戰於韓店明師大敗 崇禎五年流賊紫
金梁老獬獬在修武官兵追勦遂踰太行至柳樹口
至陵川馬附城十月初四日突至雄山鄉西火桑梓
蔭城諸村蔓延壺關平順 六年七月宣大總督張
宗衡援沁安總兵曹文詔駐兵郡城七年春賊始盡
渡河南去 甲申歲賊將劉忠守潞以居民稠密矢
石難施焚開窟及角沿村李家庄五馬村後二月忠
遁去復來攻兵形盡露無所藏匿故城獲全 洪武
初張懷以指揮之衛諸事草創乃郎唐節度牙總管
大都督府爲衛署徐衡亦指揮永樂中將節度治改
建藩府衛復移城中丘南門規制恢宏卽今廢衛是
也其從征青羊陣亡者薛朝允秦洲顧瀾三人亦指
揮皆奉裁

國朝初有潞州衛守備皆久奉裁 順治元年八月賊劉忠百道仰攻縛雲梯穿地道攝冀南道馮兆聖嚴守六年五月賊沈烈等陷屯留六月叛卒張國威戕知府楊致祥降之十月官兵至羣賊始平

長治縣志卷之十一

知縣 王沐陽 吳九齡 景文甫 修輯

職官

從來治署有一定之所而官聯無不定之制周官縣正卽後世縣令鄉遂大夫卽後世牧守雖封建之世不廢郡縣之官然春秋前縣大郡小戰國後郡大縣小漢稱郡稱太守唐稱州稱刺史宋稱知州軍事元稱達魯花赤太守之名歷朝各異知縣之號每代相同蓋皆親民之官外治之本故古之重其任者尚書

出為郡守郎官出宰百里此其為職安可忽哉長治
 即古上黨縣自元以前縣乘不備故宦蹟無考惟於
 竹帛金石間得二尉數令耳自嘉靖置縣以至於今
 一一詳列俾後之披覽者曰某也賢某也不肖某也
 得某也失嗚呼一時之毀最猶小千古之褒譏實大
 可不慎歟至於因官置署沿革靡常優絀互見亦考
 治者所宜詳覈也因併附焉志職官

漢

義

縱武帝時上黨令遷定襄太守見通志

唐

宋

璟直隸南和人任上黨尉後為賢相諡名宦

姚

崇先任上黨令後與璟皆為名相見通志

鄭九同

上黨丞見通志

宋

劉文濟

上黨令許名宦

楚興宗

上黨令

李惇信

上黨令

金

夾谷中 上黨令

元

郭從善 至正間為上黨令 詳名宦

杜佐 至元間為上黨令 曾董修潞州公

乃刺忽 重修永濟橋

張惟寧 上黨尉撰五龍廟感應記

邸士宏

李伯顏

徐祐

張序

趙尹瑞

靳若仁

李可行

李詠 以上八人俱上黨尹無政績可考

明

睢澤 直隸晉州人貢士嘉靖十一年任設長治首一令

徐流 號東林南直隸遠人自七十四年任

薛騰蛟 號南崗陝西渭南人進士詳名宦

程紳 號東濱山東樂安人進士
性喜奢麗陞刑部主事

尹梁 號循崎直隸晉州人
辛丑進士詳名宦

郝鳴陰 號鶴亭直隸寶坻人
進士任二載論去

張嘉孚 號立庵陝西安定人進士
陞戶部詳名宦

李應元 河南輝符人進士持法不
撓人多畏之陞戶部主事

李燧 號古河直隸景州人進士鋒穎
發戢不可犯徵拜禮科給事中

辛應乾 號順庵山東安邱人進士陞戶部主事
歷本省巡撫官至兵部侍郎詳名宦

張煥 號栢州山東益都人進士徵
拜給事中官至巡撫詳名宦

熊鉉 號少臺河南光州
人進士未久憂去

丁惟寧 號少濱山東諸城人進士徵拜
御史官至湖廣副使詳名宦

劉四科 號健庵陝西涇陽人進士隆慶五年任陞
吏部稽勳司主事官至兵部尚書詳名宦

馬化龍 號在田河南新野人進士萬曆五年任才長而
敏應事如流討裁捐公費額編不足多方設處

民無賠累之苦陞兵部職
方司主事官至兵備副使

張主敬 號恒華直隸栢鄉人進士陞
兵部主事官至郎中詳名宦

胡孟清 號湛宇河南光山人
進士憂去官至主事

楊登雲 陝西蘭州
人舉人

蕭汝芳 號豐原遼東人進士視
事兩月陞大理寺評事

李仙品 號雲卿陝西高陵人進士陞南直揚
州府同知官至湖廣副使詳名宦

李獻明

號廷芳陝西米脂人進士陞刑部郎中

閻溥

號鳳樓陝西隴州人進士歷官南京刑部主事河南懷慶府知府轉冀南道參政詳名在

陶鴻儒

號雲衢河南新野人進士

任澄清

號四山陝西整屋人舉人

齊君榮

號葵心山東陽信人進士坦率不事修飾審編有法陞戶部主事

秦士文

山東兗州府人進士陞禮部主事

陶爾德

陝西醴泉人進士第賜曲縣知縣詳名宦

方有度

號方石南直欽縣人進士公餘進諸生談藝聲譽不倦披卷甲乙俱制業指南一時人文蔚起

登利甲者舉出其門拜工科給事中

劉斌

河南光山人進士陞陝西平涼府同知

呂下問

陝西長安人進士陞工部主事

苟好善

陝西醴泉人進士憂去歷官鄉史山東濟南府知府詳名宦

傅鍾秀

山東高密人進士才幹明敏決斷如流徵拜兵科給事中

吳昌遇

陝西涇陽人舉人被論

樊吉人

直隸內黃人進士調紀陽縣知縣

顏習孔

山東沂州人進士和易可親國變回籍

國朝

杜汝憲

直隸永年人貢士以疾歸

杜懋哲

直隸寶坻人貢士陞陝西鞏昌府同知

靳秉璋

直隸寧晉人進士詳名宦

華士眉

湖廣興國州人進士被論卒

王功成

字允大山東博平人進士樂易有容與民相安前朝宗民交易產業後有奉行太過者槩收券

坐為任個人公力請於諸上臺太守楊公駿贊其成巡撫白公據以入告給還業王計房二千一百餘間地六十三頃有奇擢兵部車

駕司郎中歷陞陝西提學道江南驛糧道

陳伯垣

號崑壁江南清河人拔貢以病歸

張會昌

號景開山東臨淄人歲貢見論

蔡維新

直隸永平府盧龍縣人貢監教習卒於任

于公允

湖廣善化人己卯副榜明敏果爽裨有風裁凡地方利害多所興除至增修養濟院纂修邑乘

尤其著者陞刑部主事

姜愷

號西巖湖廣武昌人進士洎任七年心存愛民驅蝗有法禱雨屢應除頑法弊設師課士頗有

治績建南關文昌閣募修邑乘康熙乙卯致仕歸里

任進爵

遼陽人監生康熙十四年任

孫蕙

鑲白旗人監生康熙二十一年任

于澤長

山東雒縣人舉人康熙二十三年任以貢篋降二級調用士民保留惟其在任尚名宦

陸選昌

江南泰興人進士能文章德鄉士子一月兩課彈壓豪右時鹽商勒價苦民公嚴飭之

趙昶

山東朝城人舉人康熙三十三年任平心愛民優禮父老

江國興

正紅旗人官監康熙三十九年任四十三年五
臺辦差 御書杜詩獎之迄今額懸於堂在任
多所創建如建育嬰堂於縣右民爲立祠堂後
重修五龍山廟小松窰東建亭四門外諸義塚
亦其所設也被論罷官後
復至潞里民焚頂迎接

于元吉

山東汶上人進士康熙四十六年任清廉慈惠
決斷明敏不撓於權勢當時稱治績者推二于
蓋謂元吉
與澤長也

林詒熊

廣東東莞人舉人康熙四十八年任有文名
辛卯入鄉闈分校既投皆名下士上憲重之

董廷招

鑲白旗人漢軍康熙五十四年任性明敏工書
善詩在軍功効用五載回任斷事明決甫三月
調任太原士民
思之碑勒西關

錢人龍

江南武進人進士雍正元年任博學
能文課士有法正擬修志丁艱而去

郭麟生

山東博平人舉人雍正八年任初下車偏平定
西藏軍需倥傯羽書日下催辦毡鏡等器公重
備公買設局僱匠事畢商民多有不知官辦軍
需者月餘丁艱信至士民赴省請留者數千人
上憲以軍務旁午題 請奪情視事公在任布
衣蔬食終制鞠職詳慎務得民隱催額糧則差
木皂警輕生則刊圖說治任八年善政崇崇調
任陽曲去之日自縣署至漳澤置酒焚香泣送
者連絡不絕江西流犯亦置靴袍號泣餞送公
邛之立有去思碑記後陞代州知州

徐志幽

浙江德清人副榜乾隆二年任
不畏強禦十年因起過離任

宋允清

江蘇長洲人貢生乾隆十年任性
慈仁臨事不苟十三年調任介休

王宏業

正黃旗人漢軍舉人乾隆
十三年任十五年告病歸

丁 琰

山東諸城人乾隆十五年任遇事恂謹考試杜
諸弊端建普濟堂規制甚善後陞廣信府同知

田樟

貴州玉屏人拔貢保舉乾隆十八年任清儉慈和不愛苞苴設立留養局在任三載調繁峙

周銘詒

江西鄱陽人進士乾隆二十一年由繁峙調任能文章屢分枝鄉閭號稱得人且性剛斷嚴刑

吳九齡

字景文貢生江蘇沐陽人乾隆二十三年選授直隸撫寧縣引見特調長治縣知縣本年四月到任二十六年卓異引

見准其加一級回任候降二十八年五月陞廣西梧州府知府

縣丞

舊志未分朝代仍之

李茂

直隸平山人貢士有善政惜以誣去勉布政希夔貽詩送之

高薦

陝西耀州人貢士淳篤無偽陞孟縣知縣

曹鉷

南直華亭人以才幹稱陞直隸開州判官

武鉉

直隸井陘人貢士才貌俱偉陞陝西維南縣知縣

劉熙載

直隸山海衛人貢士陞四川崇寧縣知縣

汪垣

河南安陽人選貢陞直隸深澤縣知縣

江若練

山東登州府成山衛人選貢陞縣知縣

劉允禧

山東萊陽人選貢陞河南洧川縣知縣

徐德懋

直隸大興人 生員 陞湖廣永州府經歷

余應階

直隸保定人 吏監 康熙四年任

王淑民

直隸大寧都司人 監生 康熙十九年任

彭可述

江南和州人 例監 康熙四十年任

張濱

河南磁州人 拔貢 康熙三十年任

周之瑩

順天宛平人 監生 康熙四十五年任

雍正八年奉裁 乾隆二十八年因同知移駐太義奉

吉復設

吳麟

浙江山陰人 貢生 乾隆二十八年任

教諭

舊志列典史後今照職官全書更定且姓氏多缺悉為採入

明

陳禹道

山東威海衛人 歲貢 後陞樂州學正 舊志缺

王文舉

陝西洋縣人 歲貢 舊志缺

黨益

陝西鞏昌人 舉人 莊肅得體 夏楚不施 陞孝義縣知縣

季禮

山東滋陽人 貢士 朴質簡靜 不校束脩 陞廣寧後屯教授

李核

山東朝城人 歲貢 舊志缺

王尙才

河南禹州人 舉人 陞慶陽通判 舊志缺

陳人第

山東蓬萊人 舉人 有擇 霍才 歷官汝寧府同知

薛乾 臨晉人歲貢陞遼州學正 舊志缺

曹茂元 蒲縣人歲貢陞忻州學正 舊志缺

白可簡 交城人選貢 舊志缺

高登明 翼城人舉人歷官保定府同知

王相臣 四川基江人歲貢

郭萬程 臨晉人選貢

張一翰 翼城人舉人陞國子學錄

馮朝宗 靜樂人歲貢

劉汝禎 臨汾人歲貢陞澤源州學正

王俊民 直隸蔚州人陞東昌府教授

甘守正 廣西橫州人歲貢署澤州有德政碑

解允珂 陝西韓城人舉人

戈光遠 北直景州人恩貢 以上九人舊志缺

張鳳奇 陽曲人舉人才幹精明陞國子監博士歷官永平府知府殉城賜贈

王一鵬 洪洞人舉人衡文督課多有發明巡道王公建文昌書院校閱功多陞山東安邱縣知縣有去思碑

記

尚行 蒲州人舉人陞前隸宣府推官

楊復亨 陝西咸寧人舉人矩度端嚴多士畏之陞昌樂縣知縣

荆州任 倚氏人恩貢以訓導中已卯舉人署本學教諭陞山東東平州知州

梁元吉 襄陵人歲貢陞大同府學教授

白光遠 五臺人歲貢陞以

李愈華 熙州人歲貢陞國子監典籍

國朝

王嘉猷 直隸良鄉人歲貢崇禎六年可鐸本庠至順治元年自京領印復任

鄧之樞 廣昌人恩貢有修學功陞太原府教授

陳大謨 保德人舉人陞西州慶符知縣

賈顯 歸晉人甲午舉人康熙四年任

馬上友 永和人歲貢

王嘉言 大同人歲貢

張健翮 翼城人丁酉舉人康熙二十年任

安萬隆 聞喜人丙午舉人康熙二十年任陞大同威遠衛教

王連科 夏縣人戊午舉人康熙四十四年任

栗秀藩 崞縣人舉人康熙五十年任

任方大 河津人舉人康熙五十五年任

閻泰 保德州人戊子舉人雍正二年任

薄鳳儀 定襄人戊子舉人雍正九年任

祁文翰

祁縣人癸巳進士
雍正十三年任

李松

大同人寄居江南丙
午舉人乾隆九年任

田次何

高平人甲午舉人
乾隆十一年任

張嶽拱

垣曲人丙辰舉人
乾隆十八年任

訓導

志全缺今悉補入

明

趙珮

河南宜陽人
歲貢

鄭從元

陝西莊浪人
歲貢

王桐

河南安陽人
歲貢

呂士偉

解州人
歲貢

郭崇

解州人
歲貢

何夢符

安邑人
歲貢

薛郡

運司人
歲貢

師嚴 四川富順人選貢陞蓬溪教諭

呂效古 夏縣人歲貢

張靖邦 臨縣人選貢陞交城教諭

王三重 靜樂人歲貢

王俊民 蔚州人歲貢陞本縣教諭

陳三重 猗氏人歲貢陞陵川教諭

薛可教 永和人歲貢陞五臺教諭

李希曾 岳陽人歲貢創修文昌閣奎星樓栽楓樹木
陞岢嵐州學正 以上十五人舊志缺

高賢 翼城人歲貢陞陝西膚施縣知縣

魏生中 武鄉人歲貢重名節敦風化

國朝

徐會極 大同右衛人歲貢

張瑄 陽曲人歲貢康熙十六年任

張名印 馬邑人歲貢康熙二十四年任

劉爝 陽曲人歲貢康熙三十三年任

沈源濬 大同威遠衛人歲貢康熙三十四年任性淡泊水菰自矢課士有方諸生貧者恒贖給之公餘焚香彈琴了無俗累嗜學宮傾貲捐俸倡先殫力經營規模政觀學內有實政碑記

盧煜 太平人歲貢康熙四十五年任

杜蔭越

和順人歲貢
雍正三年任

郭嵩

洪洞人歲貢
雍正七年任

孫暉

靈邱人歲貢
雍正十一年任

雷大興

陽高人廩貢
乾隆七年任
隰州學正

李延渭

安邑人廩貢
乾隆二十四年任

馬儀鳳

蒲縣人歲貢
乾隆二十五年任

主簿

缺久裁去憶當先有堪錄
者數人不忍盡真之泯沒

侯說

直隸雄縣人貢士
陞河南武陟縣丞

張松齡

浙江山陰人知印
以作字自負好吟詩

楊善

陝西漢中人由驛丞
陞年尚壯知砥礪未幾陞
王官一時惜之

周鼎臣

南直桐城人精青鳥
家言縣學建奎文樓
朱衣祠皆其營造陞
陝西邠州判官

典史

陳廷相

直隸容城人以才稱
陞山東濮州吏目

王榜

懷寧人時初建
縣學榜監修焉

王守印

河南新鄉人清
而有為致仕

李堯卿

浙江仁和人
善捕盜

金榮

直隸宛平人

侯嘉祉

陝西富平人吏
員康熙元年任

王光晉

山東東昌人

姚謙

江南徐州人吏員
康熙三十九年任

孫佶

山東淄川人吏員
康熙四十六年任

秦宗祐

浙江山陰人吏員
雍正元年任

周成

順天大興人吏員
雍正九年任

顧瀚

浙江仁和人吏員
雍正十三年任

林必鉉

浙江上虞人內閣
供事乾隆四年任

葉文衡

直隸定州人吏員
乾隆五年任

羅紹

浙江錢塘人吏員
乾隆十九年任

張麟

山東泰安人吏員
乾隆二十一年任

巡檢

乾隆九年十二月平順縣虹梯關
巡檢奉裁移設本縣西火鎮

陳克昌

順天宛平人內閣供事
乾隆九年自虹梯調任

方廷棟

安徽歙縣人吏員
乾隆二十年任

商纘

浙江會稽人監生
乾隆二十六年任

舊志于公尤曰韓宗閔長周官既兼識其名循吏儒
林漢史亦兩傳其事豈非才德分馳道不一致歟然
躋卓魯壘黃於田何伏鄭之列而謂簿書筐篋類皆
俗吏之所爲何經學之渺也若乃製錦不越乎義盡
淬刃必本乎儒礪斷獄則老吏咸爲服官雖聾丞弗
廢古多循良惻幅之宰又有足述者上黨自唐以來
郡縣各殊其名官職不一其位其仕於潞之人莫可
悉載惟載一二爲令者以昭典則豈人待地耶抑地
待人耶至縣治旣設始有專官先後姓氏法得並書

長治縣志 卷之十一
然則爲人擇官耶抑爲官擇人耶人品政事傳聞必
徵而可信矧在近代父老能言之賢否判然好惡難
假誠考鏡得失之林也故官師並志見司四民與典
三士者政教有同施儒術吏治原非兩事且以佐周
官漢史之所未詳云

公署

縣署在城東北隅相傳卽宋元上黨縣治也明初廢
嘉靖十年復中爲忠愛堂堂左爲幕廳右爲庫東西
分列爲各房科後爲丞簿廨左丞右簿東西並列而
典史宅在簿之前崇禎元年裁去主簿至今簿宅廢
爲空地雍正八年裁去縣丞宅亦廢爲空地今丞復
設署未定舊有承發司架閣庫舖長司亦以次列丞
及典史宅之前爲公廨以處吏胥之有室者今俱廢
馬廩舊在丞宅之東今改入西在典史宅後寅賓館

長治縣志 卷之十一
在儀門外東隆慶中知縣劉四科創後廢今東爲常
平倉卽舊預備倉土地祠西爲獄有大監小監女監
縣門外左爲申明亭右爲旌善亭俱廢東有總舖此
自明州陞府後縣治之所以設也

國朝因之

舊兵備道嘉靖七年始設卽舊按察分司中爲執憲
堂左有題名記右有按察箴皆次山劉公涇勒也後
爲水玉堂又後爲宅廡堂左爲賓館右爲吏書房兩
廊爲皂隸房前爲儀門又前爲道門舊原白道前折
而西通上黨門萬曆十年爲山劉公伯縉易民居直
通前巷左右墜坊四十一年潭柘房公楠鼎建巽方
之麗譙四十五年鳳樓閣公溥復增樓於衙後康熙
六年奉

旨裁道缺衙舍廢爲空地

潞安府在城東西大遠之北南北大途之西一岡橫
卧建置其上創自隋開皇初有子城唐元宗爲別駕
時更崇飾之金元之際毀於兵燹知州鄭玘重建張
起巖重修卽今制也明知州潘黼補修於洪武初計

長治縣志 卷之十一
昌大修於成化初知府宋公圭重修於嘉靖初劉公復初又重修於萬曆二十五年其規制自大遠北行百餘步登橫岡爲上黨門卽今平政坊左爲鼓樓右爲鐘樓又北行百餘步有坊額曰上黨稍北

國朝太守楊公開東西兩便門北爲大門又內爲儀門爲戒石亭中爲正堂後爲補過堂東爲委蛇軒西爲澄清亭爲郡守廨廨後有臺巋然卽唐元宗所建德風亭舊有輦道與西城相過乃子城北界也今輦道已廢臺多宋元以來名公諸刻正堂左爲贊政廳右

爲庫東西兩序爲各房科又東爲同守廨爲司理廨爲經歷照磨廨西爲通守廨及裁通判司理照磨諸缺廨俱廢爲空地乾隆二十八年同知移駐太義鎮廨亦廢止存經歷宅儀門外左爲土地祠舊有寅賓館今廢右爲司獄司後裁司獄獄亦歸併於縣今俱廢爲空地大門外舊有榜房廢上黨門外左有總鋪申明亭及社學右有陰陽醫學及旌善亭沒於有力者百餘年矣今總鋪房在大門西先是四府諸內衙水合流於大門外石橋左右池畔從池通東西明暗

水道自上黨門外流入下水巷轉而西注從府城前
石橋下經流名爲九曲乃一郡之脈也歲久淤塞乾
隆九年郡守蜀渝李公重濬

察院在郡治西南上黨門內中爲堂後爲寢兩翼爲

監生房書史房門射息隸房前爲儀門又前爲大門

建於知州李顯忠修於王楫萬歷二十六年劉公復

初增建後亭自裁察院後今廢爲空地

大學士夏言
我心亭箴叙

曰滌御史行臺有亭翼翼當前之中四柱離立前後
左右無有蔽障而豁焉虛明也桂洲子按事於此日
與之對焉因憶宋史洞開諸門之語名其亭曰我心
作我心亭箴惟人有心體別虛明物交利誘乃喪厥

靈神出鬼沒陸陸來往戶錦錯雜居用弗廣我觀斯
亭豁如貫通則而象之無爲大中巍巍大人兆民所
視諫臣作箴敢告侍史御史王好問左右警詞外莊
正而陰荏回慝者天無不知之餘肅靜而實多嗜欲
者心無不知之事求不愧於吾心事君之道在是矣
職思不負於吾君事天之道在是矣

提學道今改學院在察院西萬歷十六年知縣張主

敬改建舊制堂寢規模與廢布政分司公署同前兩

翼爲廊卽考試席舍四角有瞭望樓今廢儀門外有

賓廳先是搭廠堦中暨木與臺等平以木板始樹木

結搆覆以蘆蓆中及四圍施篋胎白油紙纏竿結綵

其竹木繩蓆布帛數百千計催攢給發弊孔百端後

同知童世彥置棹斃六百臨時排設及棹斃廢斃坯
爲臺歲久塵埋旋修旋毀前郡守左公易以磚後郡
守蜀渝李公重修大堂後寢大門儀門其號臺架木
虛其下上覆以甍始稱便焉

叅將府在鼓樓坡乃舊郡治門麗譙也當時眞達入
義門通金橋今郡治稍遷於東而八義門亦塞嘉靖
中初設叅將建以爲府今仍之

教諭署在儒學明倫堂東
訓導署在儒學明倫堂西

衛署洪武初指揮張懷以節度都督府爲之卽今廢
藩府後永樂中指揮徐衡移建城中卽今廢衛是也
巡檢署駐西火鎮

陰陽醫學僧會司道會司無專署

韓店官亭通高平路萬歷二十二年知縣李仙品建
及裁道缺廢而不用郡守蜀渝李公夔價入公項

養濟院在縣後東北隅有門有亭有舍康熙初年知
縣于公允修葺復新建一十八間逮後加增今房五
十間養孤貧三十六名每名按日給米一倉升冬衣

花布銀三十三兩九錢八分零赴 司請領

晉濟堂卽育嬰堂舊址在縣署西乾隆十八年知縣
丁瑛捐建大門一間房屋二十間原捐買地一百畝
三分四厘收租穀七十九石六斗零捐本穀一百六
十一石又捐本銀三百兩發當行生息收養無依貧
民三十名按名給糧後郡守劉詳定規條每名日給
米一倉升鹽菜錢二文冬給棉衣一身自立冬日起
至立春日止每名日給煤炭錢二文每歲修理鍋盆
炕薦藥釵棺木隨時撥給除收租穀利銀支消外如

有不敷俱係木縣捐俸給發乾隆二十五年知縣吳
九齡將本穀變價增置地四十四畝零連前共地一
百四十四畝零收租穀九十一石六斗五升零除買
地用銀外共存本銀四百六十一兩一錢五分發當
行按月一分五厘行息又增收貧民十名通計收養
共四十名遵奉規條按名給發貧民頗有所依至於
設法增濟尙有望於後之君子焉董事庠生李炳文
留養局知縣田樟奉 憲設立四處

在城三巖廟 漳澤村 韓店鎮 西火鎮

每年隆冬收養老幼無依貧病流民五十至七八十
名不等每名按日給發倉升米八合煤炭錢五文內
有單寒就養者各給棉衣俱係本縣捐俸給發俟春
日融和自行謀食

長治縣志卷之十二

知縣事沐陽吳九齡景文甫修輯

名宦

考說文宦仕也戴記曲禮宦學事師非禮不親左傳
宣二年晉成公卽位乃宦卿之適子而爲之田以爲
公族又云宦三年矣越語載秦宦士三百人要之凡
事人者皆曰宦則自五瑞之輯千八百國之封其時
建官或惟百或倍之或三百六十何莫非是哉惟是
封爵旣專立一門而凡官於其土遷移無定者斯以

宦名以本宦之居有善政去繫懷思如召父杜母令人久而不忘者則

朝廷有崇德報功之典爲之祠於其被澤之地令官屬歲舉祭祀是曰名宦夫爲宦者苟深念於致身之義不避勞不避怨不爲利疚不爲威惕不事虛名不持偏見必使官民同體上下一心化民成俗熙皞可追斯足以主持風教大振綱維第區區錢穀兵刑不俾惰廢尙未稱爲盡職也循名責實豈易言乎哉志名宦

考名宦於長治與他邑應當別論其邑之設名實自明嘉靖十年始其先或屬於潞州或屬於上黨縣中間沿革不一直至潞州陞府之第三載而後有長治之名因取通志郡志舊志細加查核請以從來實隸茲土者盡登之於志以備後人稽考而動其流連想慕之思不亦可乎

晉

溫

嶠字太真太原人初爲潞令平北將軍劉琨孫禮之請爲參軍遷從事中郎上黨太守見郡志

北魏

韓念祖

為上黨令徐州刺史尉元表念祖始臨之初舊民南叛撫慰招集南來民費俟先等前後歸附戶至二百有餘南濟陰郡睢陵縣人趙怡辭稱念祖善於綏撫清廉請乞念祖為睢陵令若得其人必能招集離叛成立一縣獻文詔曰樹君為民之情如此可聽如請見通志

唐

宋璟

邢州南和人耿介有大節好學工文辭第進士調上黨尉居官雙介歷陞尚書右丞相諡文正

姚崇

上黨令睿宗時以兵部尚書出為潞州刺史專務德化政條簡肅潞人為立碑記之祀邑名宦

宋

劉文濟

上黨令郡有疑獄文濟推之得白事載原理祀邑名宦見郡志

楚興宗

宣和時上黨令祀邑名宦見郡志

李惇信

宣和時上黨令祀邑名宦見郡志

元

以上查照上黨縣入

郭從善

至正間為上黨令時盜賊縱橫從善能和輯其民整義旅與關保虎林赤犄角破賊保全澤潞

明

凡州同州判學正皆得附見

蔡景武

沁水人洪武初知潞州以公勤著陞嘉興知府多惠政

張三同

字大亨直隸阜城人洪武初以進士任潞州同知以勤恪著劄州治修廟學在城二十四坊

才寬

字汝栗直隸遷安人進士自石州調順壽陞南

劉任原

昌平人洪武間知潞州政行茂著德澤及民陞本省參政見通志

黃壽

靖州人宣德初知潞州嚴不入苛吏民畏服任滿當代潞人保留復歷二考致仕見通志

燕雲

或寧人宣德時為潞州知州大著聲績見通志

刁正

東鹿人正統初知潞州戎尚憲祥尤善作興士類後陞武昌府知府見通志

王鏞

江西廬陵人天順間以舉人任潞州學正學博行高勤于訓迪經指授者各有成就

馬啣

河南陳州人宏治間以進士知潞州性剛守潔才具明敏大修廟學俎豆筐篚象勺干舞之類

纘悉必備訪得名宦十四人鄉賢十人建祠為州人表帥而撫恤窮黎以少舉舉在任九年

張萱

應天上海人正德間以進士知潞州路有德風亭自唐以來稱勝地萱日夜勤民事終其任未嘗一往嚴馭吏胥不使人鄉間罷錦綺之售于

上官里夫之役于藩府者不使為民擾武宗狩雲中倖臣江彬諷郡縣選嫠婦送行在所萱曰

嫠婦也奈何奪人之節力爭事得寢

候有功

號風山浮梁人嘉靖間以進士知潞州治尚嚴明法行自近而于閭左細民則寬以字之復選

張嘉孚

號立菴陝西安定人嘉靖間以進士任長治縣明敏善斷遇訟者給片紙令自拘到案隨剖其

曲直不數言輒得其情復為善言解之不數用鞭扑少頃兩造各得意去呼續至者入復如前

後陞戶部主事祀邑名宦見通志 以戶則尚有長治之名矣

辛應乾

安邱人嘉靖間進士德量寬洪頽廢修舉著牧羊說陞主事名列長治縣名宦祠通志載作壺

關縣知縣見縣志 職官

尹梁

號循齋晉州人嘉靖辛丑進士知長治縣善於因六性坦率與百姓若家人父子自奉甚菲寒

一褐暑一布而已陞戶部主事祀邑名宦郡志列長治通志列入長子悞

張煥

益都人嘉靖間以進士知長治縣言訥行果外剛內慈洞悉閭閻疾苦真心撫字左右近習讒

懇不得行冰藥之擾始終不渝
陞給事中祀邑名宦見通志

薛騰蛟

號南岡陝西渭南人嘉靖間以進士知長治縣
時縣新設制度未備蚤夜殫思多所裁定飭章
程節里甲抑強扶弱崇禮勵俗務與民休息而
馭吏胥則甚嚴不少貸焉陞主事祀邑名宦見

通志

丁惟寧

號少濱山東諸城人嘉靖間以進士知長治縣
縣宜桑人多以紬為業徃時上官來取差役需
索無已民甚病之惟寧獨力為裁抑不少徇徼
拜御史官至湖廣副使祀邑名宦見通志

劉四科

號健菴陝西涇陽人隆慶間以進士知長治縣
沉毅淵博居官廉簡有守嘗值編審携書吏數
人入叅府設警柝於外有巡視少年受錢五十
文廉得之即枷責不貸事訖人稱公明後擢吏
部主事累官兵部尚
書祀邑名宦見通志

張主敬

相鄉人萬歷間以進士知長治縣性廉潔糾

李仙品

號雲鵬高陵人萬歷間以進士知長治縣導揚
風化不事鞭撻務為教養之實官至偏沅巡撫

荷好善

號泉人天啟間以進士知長治縣英毅明敏政
聲最著尋以憂去官至濟南知府死於難

程紳

樂安人嘉靖戊戌進士除長治縣大旱禱雨輒
應擢刑部主事由僉事遷叅議守河東道蒲州

李應元

城西逼黃河侵勢甚危亟築之數月告成蒲俗
鏡多靡婚葬非大備不舉嚴禁約月餘襄葬合
子女者數千家晉山西按察司副使奉勅總理
紫荆等關兵備營戰守具寢食俱廢疾卒於官
河南南符人進士知長治縣持治不抗
人畏之陞戶部主事以剛方著見郡志

李燧

字古河直隸景州人進士知長治縣聲穎感
發嚴不可犯徵拜給事中以剛方著見郡志

馬化龍

號在田河南新野人進士知長治縣才長而敏應
事如流裁捐公費額編不足多方設處民無賠累

閻溥

號鳳樓陝西隴州人進士知長治縣歷官南

齊君榮

號葵心山東陽信人進士知長治縣坦率

陶爾德

禮泉人進士知長治縣革里甲坐

方有度

歙縣人進士知長治縣公餘進諸生談藝披卷

甲乙俱制業指南一時人文蔚起登科甲者舉

傳鍾秀

山東高密人進士知長治縣才幹

國朝

靳秉璋

寧晉人順治五年以進士知長治縣姜逆

于澤長

山東人康熙二十年知長治縣性慈厚有吏十

民間令自買自解官吏胥無得與李太守白川

墓見通志

以上既照各志酌列於右矣按名宦一祠設在黌宮

內建立木主白應奉

文頒行非可意為增減柰相沿日久木主冊籍或有參

差郡邑省志或難盡一容當詳請

上憲咨明

大部查核冊籍之訛否以定木主之實數務使前賢不

致虛受崇祀之名以仰副

聖天子獎勵民牧之至意焉嗟乎折棟之不治有司之過也茂草之不除其責備抑又衆也然且有任木主之聚散而置若罔聞者可勝慨哉若此者匪獨名宦一祠爲然也長治學宮現今重修規模大備司鐸者皆邑紳士胥能助余力之所不逮自茲以往願與余同官等始終共敬其事且以質諸當世之留心學校者

